

Publicaziuns officialas dils 25 d'avrel 2025

Vischnaunca Trun

Damonda da baghegiar

Datum da publicaziun: 25-04-2025

Petents: Herbert e Silvia Cabernard, Rheinstrasse 65, 7000 Chur
Object: Construcziund'ina seiv sin parcella 2327 a Campliun
Zona: Zona d'adattaziun al vitg (VA)

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Annunzias da baghegiar

L'istanza da baghegiar ha lubiu suandontas annunzias da baghegiar sin fundament digl art. 40 dall'ordinaziun davart la planisaziun dil territori dil cantun Grischun (OPTGR) ni sin fundament digl art. 32a dall'ordinaziun federala davart la planisaziun dil territori (OPT):

Nr. 01/25, Giger Remo

Renovaziun dallas fatschadas dalla casa e dil curtin d'unviern, ulivaziun digl iert, parcella 422

Nr. 02/25, Klaus Claudia e Thomas

Sanaziun dil tetg, parcella 1425

Nr. 03/25, Hagmann Jacqueline

Sanaziun dil tetg, parcella 6147

Nr. 04/25, Uffeci da construcziun Bassa

Sanaziun dil tetg e montascha d'in indrez solar, parcella 2323

Nr. 05/25, Nay Venanzi

Sanaziun dil nuegl, parcella 1122

Nr. 06/25, Coray Paul

Remplazzament da finiastras, parcella 1348

Nr. 07/25, Steger Manuel e Jana

Remplazzamet da finiastras e montascha da storas, parcella 1656

Nr. 08/25, Janka Clau e Venzin Aurelio

Remplazzament dalla porta-garascha, parcellas 1377 e 1378

Nr. 09/25, Lombriser Gieri Giusep

Spazzament dil clavau, parcella 657

Nr. 10/25, Vincenz Claudio

Remplazzament dallas portas garascha, parcella 1381

Nr. 11/25, Pfister Beat

Montaschad'in indrez fotovoltaic sil tetg dalla garascha, parcella 6457

Nr. 12/25, Decurtins Jenni

Montaschad'in indrez fotovoltaic sil tetg dalla casa, parcella 1625

Nr. 13/25, Decurtins Wendelin

Remplazzament dalla lingia d'aua tier la tegia da cuolm, parcella 4035

Nr. 15/25, Utzinger Susi

Remplazzament digl indrez fotovoltaic, parcella 2599

Nr. 16/25, Artavels Pfister Nicolaus

Sanaziun dil tetg clavau, parcella 6357

Nr. 17/25, IMMOCAD I GmbH

Sanaziun dil tschabergal entuorn laupia, parcella 1458

Administraziun communal Trun

Tagl da lenna Landersera

Ils 1 ed ils 2 da matg 2025 ei previu da sgular lenna en il territori da Landersera. Quei uaul ei classificaus sco uaul da schurmetg ed ei da fetg gronda impurtonza per la vischnaunca da Trun. Cunquei ch'il territori posseda negina via d'access sto la lenna vegnir sgulada a val. Damai ch'ei setracta per part da fetg grondas plantas vegn il helicopter dil tip Super Puma en acciun. Quei helicopter ha ina gronda prestaziun, caschuna denton era emissiuns da canera. Igl uffeci forestal spera sin vossa capientscha.

Per ulteriur sclariment stat il selvicultur Carlo Monn (081 920 20 46) a disposiziun.

Uffeci forestal Trun

Serrada dalla via Trun – Schlans

La via cantunala denter Trun e Schlans sto vegnir serrada muort lavurs da sanaziun sco suonda:

- Gliendisdis, ils 5-5-2025 entochen venderdis ils 9-5-2025 mintgamai naven dallas 07.00 tochen las 17.15 uras.

Durant il temps che la via denter Trun e Schlans ei serrada sto il traffic sviar sur la val Capeder.

Suprastonza communal Trun

Viafier Retica - Fiasta d'avertura ufficiale dalla staziun Trun

Sonda, ils 3 da matg 2025 naven dallas 10.00. Nus vein grond plascher da festivar cun Vus la renovaziun dalla staziun dil tren da Trun. La populaziun ei cordialmein envidada.

Program:

10.00: Act uffical d'avertura cun plaids festivs ed accumpignament musical

tochen las 14.00: Ustria da fiasta, investa dils novs stabiliments cun sguard davos las culissas

Nus selegrein sin Vossa viseta!

Viafier Retica, infrastruttura

Serrada dalla via Boden

A partir dils 28 d'avrel 2025 vegn pinau lenna egl uaul dil Boden. Per il transport da lenna ord igl uaul vegn montau la suga. Ord quei motiv sto la via vegnir serrada per tut il traffic. Las lavurs cuozzan rodond duas jamnas.

Per ulteriur sclariment stat il selvicultur Carlo Monn (081 920 20 46) a disposiziun.

Uffeci forestal Trun

Mortori

Urwyler Rosmarie, naschida ils 2 da november 1936 e morta ils 15 d'avrel 2025.

Controlla da habitonts Trun

Rimnada da pupi e cartun

Gievgia, ils 1 da matg 2025

Nus supplichein Vus da deponer il pupi ed il cartun beinveseivel sper via entochen las 7.30. Plinavon supplichein nus Vus da far pigns pacs e ligiar quels aschia ch'els dattan buca dapart. Sch'enzatgi vul menar sez siu pupi e cartun allas muldas a Pustget, saveis Vus far quei mesjamna, ils 30 d'avrel 2025, naven dallas 13.30 entochen las 18.00. Denter las 13.30 e las 15.30 segidan ils affons dalla 3. e 4. classa. Naven dallas 15.30 astgeis Vus deponer autonoma-mein il pupi e cartun ellas muldas. Grond engraziament per Vies sustegn.

Consorti da scola Sumvitg-Trun

Pleiv catolica romana Trun

Invit alla radunonza generala, mesjamna, ils 7da matg 2025 allas 20.00 en l'aula en casa da scola, Trun.

Tractandas:

1. Beinvegni ed elecziun da dus dumbravuschs
2. Protocol
3. Rapport
 - dil president
 - digl administratur
4. Rendaquen
 - rapportdil cassier
 - rapport da gestiun
 - approbaziun e conclus da scarica
5. Rendaquen dallas fundaziuns
 - rapport dil plevon
 - rapport da gestiun
 - approbaziun e conclus da scarica
6. Preventiv
7. Fixar il pei da taglia
8. Rapport dil president dil cussegl pastoral
9. Elecziuns
 - president
 - cassier
 - administratur dils beins
 - revisurA da quen
10. Statica baselgia parochiala Trun
11. Vendita da 28.75 m2 dalla parcella 1859 a MagnusKlaiss
12. Varia

Dallas tractandas 2 - 6 san ins prender investa odem las baselgias da Trun, Schlans e Zignau.
Cordialmein envida

la suprastanza

Chor cecilian Trun e Societad da musica Trun

Concert communabel

Sonda, ils 3 da matg allas 20.00 e **dumengia, ils 4 da matg** allas 17.00 envidan la Societad da musica Trun ed il Chor cecilian Trun ad in concert communabel mintgamai el Center communal Trun. Il program da concert ei zun varionts. Ei vegn sunau tocs da brass, ei vegn cantau canzuns profanas da differentas tiaras cun accompignament da clavazin e las duas formaziuns concerteschan era comunablamein. Per saver star da cumpignia han las duas uniuns organisau ina stiva da caffè ella sala da cultura la sonda suenter concert. Ei fagess plascher d'astgar beneventar vus ad in ni l'auter da nos concerts.